

MIZORAM PRESBYTERIAN CHURCH
(Presbyterian Church of India)



SYNOD HOSPITAL, DURLANG, AIZAWL-796015, MIZORAM
(Registered Under Registration Of Societies Act XXI of 1860)
☎ (0389)-2361222 / 2362042 / 2361122 : Fax-2361185
E-mail : synodhospital@gmail.com

File No. SH-58/2021/01

:

Dated the 18th June, 2021

To,

The Secretary,

_____ Kohhran.

Subject : Kum 2021 Hospital Report leh Thuchah.

Rawngbawlpui duh tak,

Kan Lalpa Isua Krista hmingin chibai ka buk a che.

Hospital Sunday July ni 4, 2021 chu kan lo thleng leh dawn ta reng mai. Kumin 2021-ah Kohhran Pathian Biak Inkhawm a awm theih hmel loh avangin Hospital-in Report leh Thuchah kan buatsaih chu Synod Information & Publicity atangin kanrawn thawn a, in Kohhran chhungah a remchan dan anga min lo thawndarh sak mai turin kan ngen che a, min tihhlawhtlin sak theih chuan kan lawm hle ang.

In rawngbawlinaah Pathianin awmpui zel che u rawh se.

I rawngbawlpui,

(DR. L.H. THANGA SINGSON)

*Director,
Synod Hospital.*

Copy to :

- 1. Bial Secretary-te, Bial chhung Kohhranah an lo pek darh theih nan*
- 2. Bialtu Pastor/Pro Pastor-te, an bial chhung an lo hriattir theih nan*
- 3. Coordinator i/c Synfo, a zau theih anga lo tihchhuah turin*
- 4. Guard file*

MIZORAM PRESBYTERIAN CHURCH SYNOD

HOSPITAL SUNDAY

HOSPITAL REPORT & THUCHAH 2021



SYNOD HOSPITAL REPORT - 2021

Thuhma: Covid-19 hripui lengin khawvel a tibuai hle a, March 22, 2020 atangin Mizoramah pawh sawrkarin Inkhuahkhirhna dan (SOP) thla tam tak a kalpui a. Hri kai tlahniamin inkhuahkhirhna pawh thlah dul a ni a, mahse, kum 2021-a hripui thawhnhnihna leng leh avangin April 22, 2021 atangin inkhuahkhirhna kalpui leh a ni a. Hei hian Synod Damdawi In rawngbawlina pawh nasa takin a nghawng a, kum danga kal dan angin kal theih a ni meuh lo va, hospital pantu damlo an tlemin sum laklul pawh a tlahniam nasa hle a ni. Hripui leng karah pawh Pathian awmpuina, venhimna leh Kohhranhoten englai pawha min tawngtaipuina avangin Hospital rawngbawlina chu kalpui chhonzawm ve zel a ni a; kohhranho zawng zawng chungah lawmthu kan sawi tak meuh meuh a ni.

Hospital chanchin tlangpui chauh hetiang hian han tarlang ila :-

1. Synod Damdawi Ina khum 355 a awm.

2. Thawktu awm zat :	A nghet	A nghet lo	An vaiin
(1) Hospital-ah			
(a) Doctor	33	3	36
(b) Nursing Staff & Sister	132	29	161
(c) Asst. Professor	6	-	6
(d) B.Sc. Tutor	5	-	5
(e) Para Medical Staff	24	5	29
(f) General Staff	117	1	118
Thawktu zawng zawng	317	38	355
(2) Project dangah :			
(a) Christoffel Blinden Mission			2
(b) Mission for Vision (MFV)			5
(c) ICTC			4
An vaiin			9

A chungah kan ziah tel loh kan project area-ah te part-time worker leh volunteer-a thawk eng emaw zat thingtlang lamah kan nei bawh a ni.

3. Specialist hrang hrang kan neih dan chu hetiang hi a ni :

1) Medicine	:	2
2) Surgery	:	1
3) OBS & Gynae (<i>Hmeichhe lam</i>)	:	3
4) Paediatric (<i>Naupang lam</i>)	:	2
5) Orthopaedic (<i>Ruh lam</i>)	:	1
6) Ophthalmology (<i>Mit lam</i>)	:	4
7) ENT (<i>Beng, hnar leh hrawklam</i>)	:	3
8) Anaesthesiology (<i>hnimhlum lam</i>)	:	3

9)	Pathology(<i>natna hriatlama thiam bik</i>)	:	1
10)	Blood Bank Officer	:	1
11)	Microbiology (<i>Natna hrik zawn chhuahna lam</i>)	:	2
12)	HIV/AIDS	:	1

Heng baka thiamna bik nei, thawktu kan neih dangte chu :-

1)	Audiologist (<i>Ri hriatna lam</i>)	:	1
2)	Physiotherapist (<i>Taksa sawizawina</i>)	:	1
3)	Dietician (<i>Ei leh in lama mithiam</i>)	:	1
4)	Project leh Damdawi In tangkawpin Occupational Therapist a chhawr	:	1

4. Super Specialist/Postgraduate Course zir mekte:

- 1) Dr. H.D. Lalengkima, MD (Anaesthesiology)- 2nd year, Govt. T.D Medical College, Alappuzha, Kerala
- 2) Dr. Ruth Lalmuanpuii, d/o Vanlalruata (L) Kulikawn chu May 1, 2019 a tangin Calcutta Medical College-ah MD (Pathology) a zir.
- 3) Dr. Joseph Lalhmachhuana, MD (Medicine) chuan Rabindranath Tagore International Institute of Cardiac Sciences, Kolkata-ah DNB Nephrology-ah Super Specialist a zir mek.
- 4) Dr. Carolyne Lallawmzuali chu MD, Pathology, VMMC & SJH, New Delhi-ah kum thum chhung zir turin Ni 24.06.2020 khan a kal.
- 5) Dr. Vanlalkima, DGO chu DNB Course, Nazareth Hospital, Shillong-ah kum hnih chhung zir turin Ni 24.06.2020 khan a kal bawk.

5. Synod Sponsor-a CMC, Vellore-a MBBS zir mek te :

- 1) Lalremruati Chawngthu, MBBS - Final Yr.
- 2) Ramengmawii Khawlhiring, MBBS - Final Yr.
- 3) Jennifer K. Lalhrualtuangi, MBBS - III Yr.
- 4) Lalrampari, MBBS - III yr.
- 5) K. Lalrinpuii, MBBS - II yrr.
- 6) Eunice Lalneihpuii MBBS- I Yr.

MBBS zir tura kan sponsor-te hian an zir zawhah kum 2 chhung kan damdawi inah an rawn thawk thin a. Tunah hian hetiang bond thawk mek pathum (3) kan nei a ni.

6. Nursing College :

Tuna kan Nursing School hi B.Sc Nursing zirna atana hlankai a ni tawh a, kum 2019 & 2020-ah B.Sc (N) zir tur mi 30 ve ve lak an ni a, hetiang hian kum tin mi 30 zel la tura kalpui zel a ni. NEC sum a tangin College building thar tur pawh sak chhunzawm zel a ni a, kum 2021-ah chuan luah hman ngei a beiseiawm hle a ni.

7. Nursing Student-te result :

Nikum 2020-a Nursing School leh College-a zirlaiten result tha tak an nei a ni.

1 st Year B.Sc	—	Zirlai 30 awmin, 29-ten an pass
2 nd Year GNM	—	Zirlai 29 awmin, an pass vek a ni
3 rd year GNM	—	Zirlai 29 awmin, an pass vek a ni

8. Khualbuk sak :

Synod Inkhawmpuiin a rel angin Synod Hospital-a damlo awmpuitute tan CASA building chhuahsan chu chei that a ni a, a chhakah in thar sak a ni baw a; mipa riahna khum 14 leh hmeichhe riahna khum 16 awmna turin ruahman a ni. Kumin (2021)-ah chuan zawh fel theih ngei kan beisei.

9. Partnership/Project lama hmalakna :

1) **CBM (Christoffel Blinden Mission) :** Kum 1980 atanga thawkhovin waviin thlengin Mit (eye) lam harsatna leh rualbanlohna (disability), hriatna, rilru lam leh fuke kim lohna leh a kaihnawih harsatna enkawlina project kan buaipuiho mek a ni.

Project area te thlan a ni a, School leh khawtlangah screening programme-te leh hriselna chungchang inzirtirna (awareness) neih thin a ni baw. Khaw 20 zetah rualbanlo pawl (Disable Peoples Organisation-DPO) din a ni a, annni nen hian rualbanlo te tanpui theih dan kawng dapho thin a ni baw. Eye Unit tan khawl tha tak tak min leisak a, thawktu training-na te min siamsak a, hma kan sawn phah em em a ni. Kan Physiotherapy/Occupational therapy unit pawh kan thawhona zarah a changtlung chho ve zel a; Project staff 2 (Hospital) leh project worker 5 (village) an sponsor baw a ni.

2) **District Blindness Control Society (DBCS), Mizoram :**

DBCS te nen hian kum 1997 atanga waviin thleng hian mit naute paw (cataract) enkawlinaah kan thawkho a ni.

3) **Mission For Vision (MFV) :** Mission for Vision leh Synod Hospital hi kum 2014, January atangin kan thawk ho tawh a. An project hnuaia staff 5-te nen hian mit lama harsatna nei zawn chhuah kawngah te, damdawi ina rawn hruai thlen leh enzui kawngah te kan thawk ho mek a ni. Chubakah John Williams Hospital-ah Vision Centre hawn a ni a, hetah hian Optometrist 1 leh health worker 1 an thawk mek a ni.

4) **Pallium India :** Pallium India nen hian kum 2016, February atanga thawkhovin, Palliative Care Project kalpui mek a ni. Natna benvawn (Cancer, HIV etc) nei te, rilru leh taksaa na awm lo, thlamuang leh lungawi taka an hun tawp lam an hman theihna tura enkawlina (Palliative Care) pek kawngah kan thawk ho a. Kar tin in lamah tlawh chhuah hun (home visit) te siamin inkawmna (counselling)-te neih thin a ni a, damdawi leh ei tur tha te mi inphalte thilpek atangin pek thin an ni baw.

10. Grace Home :

Grace Home hi HIV/AIDS veite enkawlina hmun bik a ni a. Heta damlo tam zawk chu chhungkhat laina leh in leh lo nei mumal lo te an nih thin avangin Synod chuan an dinhmunte hrethiamin a thlawnin a thawktute nen enkawlina hi a kalpui a ni. Grace Home-ah hian damlo mi 20 vel an awm reng a, Synod Grant hian Grace Home-a damlote enkawlina leh an ei leh in te a daih loh chang a awm thin a, mi thahnemngaiten phal taka thilpek an pek thin avangin kan kal thei zel a ni. Grace Home hi thawktu mi 17-in an thut chilh a. Central KTP, Central Kohhran Hmeichhia, mimal leh pawl hrang hrang, Grace Home tana thahnemngaia min puitu zawng zawng chungah lawmthu kan sawi tak meuh meuh a ni.

11. Chaplaincy rawngbawlina :

Synod Hospital-ah Chaplain 4 awmin pahnih chu Hospital compound-a quarters-ah an awm a, a dang pahnihte chu pawn lam atangin chhunah an rawn kal thin. Chaplain paliten tha taka an hna an thawh theih nan Kohhranhoten tawngtainaah lo hre reng turin kan ngen a ni.

Kan damdawi ina damlo awmte hi taksa natna bakah rilru lama puih ngai tak takte an ni thin a, chungte chu Chaplain-te hian counselling leh tawngtaina te an neihpui thin a. Chubakah damlo zai (operation) tur apiangte an tawngtaisak baw a; mitthi an awmin tawngtaiin an thlah zel thin a ni.

Chaplaincy Committee ruahmanin kum tin thawktute leh Nurse zirlaite pualin Retreat neih thin a ni a; Speaker sawmin thupui thlan bik sawiin hun hman thin a ni.

12. Thilpek dawnte :

April 2019 - March, 2020 chhunga Charity Fund kan dawn chu hetiang hi a ni.

1) Charity Fund :

(a)	Mi thahnemngaite hnen atanga hmuh zat	:	Rs.	48,91,928/-
(b)	Hospital Sunday	:	Rs.	46,83,933/-
	Total	:	Rs.	95,75,861/-

2) Thilpek dang :

Kohhran, mimal leh pawl hrang hrangte hnen atangin damdawi in mamawh, thilpek chi hrang hrang kan dawng reng a, hei hian kan mamawh min phuhruksak thin a, kan lawm hle a ni.

13. Charity Fund chungchang :

Kan Hospital hi a tir atangin Lal Isua tihdam rawngbawlina hna chhunzawm a, a tha thei ang bera damlote enkawl, sakhua, pawl, chi leh vun rawng vanga inthliarna awm hauh lova natna tinrenga nate Pathian atanga chhuak hmangaihna nena damlote enkawlina tura din a nih angin mi tinrengin an pan a. A pantute zingah natna avanga an lungngaih bakah inenkawlina senso an neih loh avanga lungngai baw an tam hle. Damlo zingah inenkawlina senso pek tur nei lo leh pe tla nghal thei lo eng emaw zat an awm reng a ni.

Heng mi mangang, tanpuina kawngah Kohhrante kan thangharh tial tial ni pawhin a lang a. Tun hnai kum 3/4 velah phei chuan mimal, pawlho leh KTP leh Kohhran Hmeichhia te an tang nasa a. Hospital Sunday thawhlawm pawh damlo tlawnhna nia ngaiin thawhlawm pawhin hma a sawn ta hle. Kum kalta 2020-2021 chhunga rethei pual thawhlawm (Charity Fund) atangin damlo awm man pe thei lo mi 378 ba Rs 85,39,751/- rulhsak an ni. Chutichung chuan ni 31.3.2021 thlenga damlo awm man min la batsak zat chu Rs. 2,95,10,987/- lai a ni.

Thilpek hi rethei leh harsa zawkte tan malsawmna ropui tak a nih avangin nasa leh zualin i tang zel ang u.

14. Khawl thar leina dawn thu:

- 1) **TrueNat:** Pu Lalchhandama Ralte S/o Rev. R.B. Laitawia (L), Leitan South chuan Covid-19 hripui leng dona atana hmanraw pawimawh tak mai TrueNat 4 slot leina tur Rs 15,00,000/- (Nuai sawmpanga) min pek hmanga lei chu November 19, 2020-ah bun fel a ni a. Kan lei fel veleh ICMR-ah hman phalna (NABL Accreditation) dil nghalin May 13, 2021 khan min rawn pe fel ta a. He khawl hi tangkai taka hman a ni.
- 2) **Dialysis khawl:** Pu Zothankhuma, Laipuitlang, Aizawlte chhungkuain May 26, 2021 khan Dialysis khawl thar leina tur Rs 10,00,000/- (Nuai sawm) Hospital tan an pe a, an chhungkaw chungah kan lawm hle. Khawl thar chu lei tura chah mek a ni.

15. Hmalakna dangte :

- 1) **Mobile Clinic :**
Hripui leng avangin Free Clinic nei turin kan kal thei lova, in mi hriatthiamna kan dil a ni.
- 2) **Blood Donation Camps :**
April, 2020 atanga March, 2021 chhungin Blood Donation Camp vawi 50 neih a ni. Camp kan neiha thisen kan dawn zawng zawng zat hi Unit 2,778 a ni. Kohhran, KTP, YMA leh Tlawmngai pawl hrang hrang leh mimal ten a mamawhte tan thisen an pe thin a, an chungah lawmthu kan sawi a ni.
- 3) **Eye Unit :**
April, 2020 - March, 2021 chhungin Hospital-ah Eye Camp tum 201 neih a ni a, hetah hian mitnaute paw (Cataract) 201 zai an ni a, School screening-a en zat 1 DR & Glucoma 62 zai an ni baw.
- 4) **Vaccination Camps :**
April, 2020 atanga March, 2021 chhungin hri danna (Vaccine) chi hrang hrang BCG - 1,589, BOPV - 2,556, Pentavalent -2,930, Retrovirus Vaccine -2215, HPV-16, IPV-117, MMR - 1,344, Hep. A-2406, Hep. B-3729, Typhoid - 2,182, Chickenpox - 606 lai pek chhuah a ni. Vaccine hi Hospital atang mai bakah Millennium Centre-ah te, Dr. Frasers' Clinic,

Mission Veng-ah te leh Vaivakawn, Armed Veng leh College Veng Kohhran Hall-ah te hunbi neiin pek thin a ni a, kumin kumtir lam atang hripui len avangin vaccine pek hna pawh mumal taka kalpui theih a ni lo a ni.

16. Dr. Fraser's leh Millennium Clinics:

Aizawl khawpui chhunga kan Damdawi in peng kan neih te - Dr. Fraser's Clinic, Mission Vengah leh Millennium Centre top floor-ah Clinics neih thin chu Covid-19 hripui leng avangin February, 2020 atangin khar an ni a, Dr. Fraser's Clinic, Mission Venga mi chu mit leh naupang hridanna lak kan kalpui leh naa, hripui leng thawhnhina avangin chhonzawm theih a ni ta chuang lo.

17. Triage siam thu:

Covid-19 hripui laka invenna turin Synod Hospital pawhin kawng hrang hrangin fimkhur tak leh uluk takin hma kan la a. March 23, 2020-ah Task Force dinin member 20 an awm. Task Force chuan Hospital himna tur leh rel tul apiang relin a bawhzui thin a. Hospital rawn pantute lo endikna hmun Triage Counter siamin hetah hian chhun zan zawmin duty dah a ni a. March 24, 2020 atanga June 15, 2021 thlenga lo endik (screen) zat chu 1,67,985 an tling tawh a ni.

18. RAgT tih thu: Hospital himna turin November 2, 2020 atangin RAgT tih a ni a, June 15, 2021 thlenga test tawh 10,862 niin positive 153 an awm a ni.

19. Khawl neih tawh hman zat (April, 2020 - March, 2021) :

- 1) **Lithotripsy** : Kala lungte pawm chhut sawmna khawl. Damlo 23 khawih an ni.
- 2) **Dialysis** : Kal tha lo leh taksa chhunga tui tam lutuk, taksain a mamawh tawh loh paih chhuahna khawl a ni a. Damlo 786 enkawl an ni.
- 3) **C.T. Scan** : Taksa bung hrang hrang chiang taka en theihna khawl a ni a, damlo 1,897 en an ni.

20. ENT leh Eye khawl lei tharte: ENT leh Eye lama hmasawmna turin khawl thar changkang leh tha ber ber lei thar an ni. Chungte chu:

- 1) **Telescope chi hnih:** En tlang/en lenna, Camera nena inzawmin hnar, beng leh hrawk chhung enna a ni a, Rs 2,04,800/- a ni.
- 2) **Microdebider:** Hnar chung (sinus) zaina hmanraw tangkai tak a ni.
- 3) **Camera:** Beng leh hrawk chhung chiang zawka enna
- 4) **BERA:** CBM nen tangkawpin Rs 8,21,100/- man lei a ni a; Ri hriatna that leh that loh enna a ni a, khawl dang aia a thatna chu damlo dinhmun a tarlang nghal thei a ni.
- 5) **Treatment Unit:** Telescope dahna te, tihlumna leh a hip chhuahna khawlte a tel a, a man Rs 5,54,400/- a ni.
- 6) **OCT** : Mit chhungril bang, thuahthip hrang hrang khawl dangin a hmuh theih loh awlsam taka enna, a man Rs 25,50,000/- a ni.
- 7) **Fundus Camera:** Mit chhunga nerve, thisen zam leh hmun danga fel lo awmte thlalakna, a man Rs 14,00,000/- a ni.
- 8) **iCare Camera:** Mitmu pressure (IOP) zat tehna

- 9) **Centurion Vision System:** Mi naute Paw (Cataract) zaina tunlaia khawl changber leh rintlak ber a ni, a man Rs 55,00,000/- a ni.
- 10) **Constelation Vitrectomy:** Mit chhungril zaina khawl, a man Rs 39,89,700/- a ni.

21. John Williams Hospital, Lunglei dinhmun :

Kan Synod Hospital pahnihna, John Williams Hospital (JWH) hi Mizorama Missionary doctor lo kal hmasa ber dawttu leh Synod Hospital, Durtlanga dintu Rev. Dr. John Williams (Mizo hming Pu Daka) hmingin Mizoram Presbyterian Kohhran, Synod-in Lungleiah dinin October 1, 2015 khan hawn a ni. JWH hi Lunglei Chanmari III, Synod House bul maiah a awm a ni.

A. A dinhmun : Khum awm zat leh thawktu dinhmun chu hetiang hi a ni:-

Khum awm zat : 29

Thawktu zat

- | | | |
|----|------------------|-----------|
| 1) | Doctor awm zat | 4 |
| 2) | Staff Nurse | 19 |
| 3) | Office Assistant | 2 |
| 4) | Lab. Technician | 4 |
| 5) | Pharmacy staff | 3 |
| 6) | X-ray Technician | 2 |
| 7) | Thawktu dangte | 23 |
| | An vaiin | 57 |

B. Statistics: Kum 3 kalta chhunga JW Hospital chet dan hetiang hi a ni:-

Clinical Statistics	2018	2019	2020
OPD damlo en zat	4426	7524	6662
In-patient admit zat	679	1296	1044
Nau piang dam zat	121	308	263
Nau thisaa piang	Nil	Nil	2
Major Operarion	47	182	155
Minor Operation	27	80	108
Zai zawng zawng	74	262	263
Mitthi zat	9	6	10
Laboratory-a Test zat	4399	6312	5263
Ultrasound tih zat	Nil	1473	1275
X-Ray lak zat	409	1200	796
ECG tih zat	60	119	96
Vision Centre damlo en zat	Nil	406	444

C. Charity: Damlo rethei tanpuina pawh an kalpui zel a, April, 2020-March, 2021 chhung hian damlo awm man pe thei lo mi 31te chu Charity Fund atangin Rs. 2,63,500/- peksak an ni.

D. Hmanraw lam (Medical equipments)

John Williams Hospital hian Laboratory changtlung tak neiin test tlanglawn chi hrang hrang an ti thei vek a ni. X-Ray khawl pawh Lunglei khawpui chhungah chuan a tha ber pawl niin, pawn lam atang pawhin an pan nasa hle a, Ultrasound khawl pawh an chhawr tangkaiin, in-patient bakah pawn lam atanga pantu pawh an thahnem hle a ni. Covid-19 screening atan RAgTest tih theihna tur hmun buatsaih mek a ni a, hun rei lo teah peih fel beisei a ni. A remchan dana zirin Covid-19 invenna Vaccine pawh pek theih thuai beisei a ni baw.

John Williams Hospital hian mi zaina hmun, Operating Theatre pakhat neiin, tun thlengin major leh minor engemaw zat hlawhtling taka zai an ni tawh a ni. Nau neihna room tha tak leh nau vei vilna khawl (CTG Machine) a awm baw a, nau piang tha lo enkawl na bik, Special Newborn Care Unit (SNCU) pawh a awm nghal baw. SNCU pawh hi tichangtlung deuh deuh tura hma lak mek a ni baw.

E. Vision Centre: Mission for Vision pawl nena tang dunin, Vision Centre changtlung tak chu September 2019 khan JW Hospital-ah dah a ni a, mit enna khawl changkang tak tak a awm nghal vek baw a, hei hi mipui tan a tangkai hle a ni.

F. Transport : JW Hospital hian Bolero pakhat bakah, kumin hian Bolero Pick Up thar, a tula Ambulance atana hman theih tura duan chu a nei thar a, hospital tan a thawh hlawkin a tangkai nghal em em a ni.

G. Sum dinhmun: John Williams Hospital hi Synod Budget atangin enkawl mek a ni a. Pathian malsawmna avangin tunah chuan JWH hian leiba a nei lo va; Synod-in sum thawk chhuak tura a beisei zat pawh a la thawk chhuak ve thei zel a, a lawmawm em em a ni. Damlo rethei, awm man pe thei lote pawh mimal leh kohhran hrang hrangte thilpek tling khawm (Charity Fund) atangin peksak thin an ni.

H. Hmabak: John Williams Hospital hi a hmunhmain a zir lo va, kawngpui a hnaihin thawktute leh damlote tan motor park-na tak ngial pawh a awm lo va, chuvangin hei aia hmun ham zau leh tha zawk awm thei sela a duhawm hle a ni.

Doctor zinga pakhat, Dr. Zorinpuii Ralte chu M.D. Microbiology zirin, a kum khatna a zo dawn chiah a, kum 2 dang a la hmabak a ni. Dr. Ramdinthara Sailo, Medical Superintendent chu a pension hnuin kum khat dang rawihnawn mek a ni baw. JW Hospital hian Doctor pakhat tal neih belh a mamawh khawp mai. Mizoram chhim lam, a bik takin Lunglei leh a chhehvela chengte hian Presbyterian kohhran damdawi in a nih chuan engkim a tha ber zel nei tur hian min ngai a, min beiseina pawh a sang khawp mai.

HOSPITAL SUNDAY THUCHAH

Thupui : Isua - Damna famkim
Chhiar tur : Matthaia 9:35; Marka 1:29-34

Tin, Isua chuan an inkhawmna inah te zirtirin, Ram Chanchin Tha chu hrilin, dam lohna tinreng leh natna tinrengte tidamin, khaw lian leh khaw tete zawng zawng a fang zel a.

Marka 1:31-ah Simona nupuia nu a tihdam thu te, 1:34-ah mi tam tak nat tinrenga nate a tidam a, ramhuai tam tak a hnawt chhuak baw a...,” tihte kan hmu a.

Taksa natna tidamtu a ni:

Heng bible chang bakah hian Lal Isuan damlo chi hrang hrang a tihdam thu Bible-ah kan hmu a, a ropuiin a ngaihnawm hlawm hle a ni. Heng damlo a tihdam chungchangah hian a ropuina leh a maknate hi hrilhak tling an ni a, Chubakah chuan, a natna tuartu ten damna an chana an tan a hlut dan tur kan suanguah thiam ruak ruak ang chu.

Chutianga Lal Isua tihdamna changtu ten Lal Isua laka an rilru put dan leh an chet chhuah zui dan tak lai hi a pawimawh; an nun pumpui, chatuan hawlh rak thlenga awmze ropui nei thei tur a niin, chatuan nunna leh thihna an chan tur thlenga awmze nei thei tur a ni. Chuvangin anmahni dam ta ringawt a, Lal Isua ngaihsak zui ta chuang lote tan chuan an chatuan thihna tura an mahni thu hretu a ni dawn a; thenkhat Lal Isua hnung zui nghalte tan erawh chuan, chatuan nun thlenga a thu hretu a ni dawn a ni.

Tunlai thleng hian ringtuten Lal Isua hminga rawngbawl na kengin damna ropui leh mak tak tak hmuh tur a awm, khawvel hi changkang viauin hre mah ila vawiin thleng hian Lal Isua tihdamna kan chante hi, a changtu ten Isua lakah eng nge bat kan neih? tih hi ngaihtuah nachang hre lo a va tam theih dawn em!

Lal Isua tihdamna chang turin ringtute hian tih tur kan nei em, nge vana rah ang maiin kan ngai zawk? Rawngbawltu tute emaw kaltlangin kan beisei thei e, amaherawhchu keimahni ngei hian Amah Lal Isua atang ngei a dawng tur kan ni em? Tin, ringtu chhinchhiahna pakhat pawh damlote chungah damna Isua atanga thlentu nih hi a ni baw.

Amaherawhchu Isua hminga damlote tihdam hi kan nun inngahna tur erawh a ni si lo; ringtu min bumtu a ni thei. Isua ropuina tura tih a nih loh chuan a tidamtu leh a dama ten chatuan a hawlh pha lovin chaw dangral ei ang tho a lo ni thin.

Rilru leh Thlarau damna a ni :

Bible chang thlanah hian helai thu hi fiah takin a lang lo; amaherawhchu ramhuai man a tihdam thu hian a ti- Chiang hle thung. Ramhuaiten an chenchilh mihringte chuan an duh angin an rilru an hmang thei lo va, an thlarau ngei pawh anmahni chhungah an man bet tlat thin.

Chutiang mite chu Lal Isuan an kawchhung ata a hnawh chhuahsak tih kan hmu. Mahse taksa natna a tihdamsakte ang bawkin Lal Isua hmangaih leh zuitu ni ta si lo tan chuan anmahniah rah tha hmuh tur a awm lo fo. Mi pakhat kawchhung ata ramhuai a hnawh chhuah pawh khan, chu ramhuai chuan a en leh a, phiah fai hliaua a hmuh chuan, a thiante ramhuai dang pasarih a sawm belh a, a tira a dinmun ai chuan a lo tha lo ta em em zawk a ni.

Rilru natna chi hrang hrang kan neih hi Lal Isua chenchilh loh nunah a thleng nasa em em thin. Lal Isua, Thlarau Thianghlim thununna ang zela kal thin te chuan, Engkimah lungawina leh thlamuanna an chang thin. Nun chhiar an thiamin, rethei leh hausaa awm dan an thiam thin, ril tam leh tlai puara awm dan nen.

Amahah damna famkim a awm:

Taksa, rilru leh thlarau damna chu Lal Isuaah a awm. Chu chu miin engtin nge a chan theih ang? Kan chenna khawvelah hian chutiang damna famkim chu mihringin a chang thei dawn em ni?

Tihian i han sawi teh ang. Amah Lal Isua ngeiin Vanram chu ‘Miin a lovah rophum ruk awmna a hria a, a in leh lo a hralh a, chu ro phumruk awmna lo chu a lei ta a,’ tiin. Chu ro phumruk chu Amah Lal Isua ngei chu a ni. Engkim, chan huama Amah zuitute chauh chuan chu Damna famkim “Krista” chu an nei thei a ni. Ringtu tam berte hi chuan thenawm te ruaitheh kan kil a, puar taka ei ve fo ang chauh kan lo ni thin.


(Dr LH THANGA SINGSON)
Secretary,
Synod Hospital Board.
&
Director,
Synod Hospital.


(REV DR. C. LALHLIRA)
Chairman,
Synod Hospital Board.
&
Moderator,
Mizoram Synod.

MIZORAM PRESBYTERIAN KOHHRAN

(Presbyterian Church of India)

Moderator : Rev. Dr. C. Lalhlira
Secretary (Sr): Upa Lalrinmuana
Secretary (Jr): Rev. Z.D. Lalhmachhuana
Fin. Officers : Rev. B. Sangthanga
Rev. Lalramliana Pachuau
Statistician : Upa Lalthianghlina



Sr. Executive Secretary
Rev. Lianhmingthanga Sailo

Executive Secretary
Rev. B. Sangthanga
Rev. K. Lalrinmawia

MIZORAM SYNOD

SYNOD OFFICE, AIZAWL - 796001, MIZORAM, INDIA

Ph: (0389) 2326372/2322285/2335821/2324448; Email: mizoramsynod@gmail.com; Fax: 0389-2322132

CIRCULAR No. 57 OF 2021


(Hospital Sunday Pual Thawhlawm chungchang)

July Pathianni hmasa ber **Health Sunday & Hospital Sunday-a** kan Kohhranin kum tina kan hman thin chu kumin 2021-ah chuan **July ni 4** hi niin a lo thleng dawn ta reng mai. Mahse Covid-19 hripui thawhnhinna leng mek avangin Mizoram Sawrkar chuan Inkhuahkhirhna (SOP) April 20, 2021 atanga a kalpui chu June 30, 2021 thleng pawhsei leh a ni a.

Tuna Mizorama hrikai dinhmun enin Kohhran Pathian Biak Inkhawm hi neih theih a nih hmel rih loh va. **July ni 4, 2021 Health Sunday & Hospital Sunday** programme pawh Biak Inah chuan kan hman theih a rinawm lo a ni. Chuvangin hemi puala Pathianni zan Inkhawm Thawhlawm kan lakkhawm thin hi engtin nge kan kalpui ang tih OM chuan a ngaihtuah a, 'Kohhran Pathian Biak Inkhawm nei thei lo mah ila, Hospital Sunday thawhlawm chu Tualchhung Kohhran tinin an remchan anga Synod Office-ah thehlut tura ngenin hriattir ni se' tiin a rel a (Vide OM 13:2 of Date 21.6.2021).

Hospital Sunday pual Thawhlawm kalpui dan tur hi Tualchhung Kohhran tinin lo hriat a, Bial Treasurer kaltlanga Synod Office-ah thehlut theuh turin kan ngen a ni. Hemi chungchang hi tihdan pangngaia lehkhawm thawn chhuah a remchan loh avangin Synod Information & Publicity kaltlanga hriattirna hi Official-a lo pawm tlang theuh turin kan beisei baw a ni.

Nilai leh Beihruat Thupui Bua Health Sunday & Hospital Sunday July 11, 2021 tia dah hi tihsual palh a ni e.


UPA LALRINMUANA)


Secretary
Mizoram Synod

No. MS/GEN- 46/2021/125/ 146

Dated Aizawl, The 21st June, 2021

Copy to:

1. Kohhran Secretary-te, Tualchhung Kohhranah hma an lo lak theih nan.
2. Bial Secretary-te, an bial chhungah an lo pekchhawn theih nan.
3. Pastor/Pro Pastor-te, an lo hriata an bial chhunga hma an lo lak theih nan.
4. Coordinator i/c Synfo, a zau thei anga a lo pek chhuah theih nan
5. Office Circular File
6. Guard File


Secretary
Mizoram Synod